

Dr. Berlinski ta cuestiona aseguro Medico Nacional

ORANJESTAD(AAN) -- Dr. Berlinski di PDA a duna di conoce na DIARIO cu tur hende por corda con den pasado e Gobierno di MEP mester a impone un "solidariteitsbelasting" di 8.2 % a consecuencia cu nan tabata gasta placa pa loco y hinca tur nan campañadornan den Gobierno.

Awe tin un Gobierno di MEP, ADN y PPA cu ta hibando Aruba den bancarota manera por a weita na television durante un programa di nos Promer Ministro.

Dr. Berlinski a señala cu durante e programa aki nos Promer Ministro Oduber a muestra cu falta mas o menos 9

Miyon Florin pa luna den caha di Gobierno. Esaki kiermeen mas cu 108 Miyon Florin pa aña.

Den e gobernacion aki parce cu e dos partidonan chikito ta hincando tanto hende den Gobierno pa asina trata di cumpra nan votonan den e proximo eleccion cu tambe ta vislumbrando pa horizonte.

Segun Dr. Berlinski, tur hende sa cu medidanan financiero ta necesario pa balanza entrada y salida di caha di Gobierno. Pero alavez tur hende sa cu e votadornan ta castiga e Gobierno cu ta tuma medida durante un eleccion.

Awe e smokescreen mas grandi den historia politico ta

desaroyando aki na Aruba. PDA kier splica bon cla con esaki ta pa tur hende comprende e wegá finí aki. Na promer lugar e medida bieu di 8.2 % di MEP tabata trece mas o menos 3 Miyon Florin den caha di Gobierno pa luna.

Awe nos mester di por lo menos 9 Miyon Florin, pues 3 biaha mas cu local e 8.2 % tabata trece aden. Esaki ta equivalente na casi 25 % di impuesto di solidaridad.

Segun Dr. Berlinski, Gobierno ta gasta den salubridad publico mas o menos 75 Miyon Florin pa aña di e placa di belasting cu nos tur ta paga.

Esaki ta con tur esnan di menos recurso y nos ancianonan ta haya cuidio medico via e "carchi di dokter", di color roos, geel y blauw. Cu e carchinan aki tur malesa ta worde cubri totalmente aki na Aruba y den exterior sin cu e pacientenan mester paga.

Segun Dr. Berlinski, esaki ta parti di e responsabilidad di Gobierno pa cual tambe tur hende cu ta desplega labor ta paga impuestonan apropiá. E smokescreen mas grandi ta pa grita cu ta bay pone e aseguro nacional contra malesa pa asina garantiza cu tur hende lo haya un trato igual.

Den e aseguro nacional contra malesa cada ciudadano inclusivo nos ancianonan lo mester paga un suma pa ta den e aseguro aki. E suma lo mester sali di nan pension di viejes cu ya ta demasiado tiki mirando con prijsnan ta subiend mas liber cu un flie.

Dr. Berlinski a muestra cu mientrastanto Gobierno ta sigui cobra e mesun belastingnan bieu cu cual nan tabata paga e mas cu 75 Miyon Florin di salubridad publico.

Gobierno di MEP, ADN y PPA asina ta pone pueblo paga dos biaha pa haya solamente un biaha e servicio aki es decir cuidio medico.

Pero e mesun Gobierno ta haci manera cu e no a tuma medidanan contra nos pueblo

pero a trece un servicio nobo. PDA semper a boga pa un aseguro nacional contra malesa pa e pueblo trahador, nos ancianonan y esnan di menos recurso.

Segun PDA cuidio medico mester ta sin influencia politica den un forma standarisá y aplica igualmente pa un y tur. Sigur sigur esaki por worde haci sin e engaño di no tuma medidanan pisa manera actualmente ta e caso, pasobra 75 Miyon ta mas cu 25 % di e peso riba e lomba di nos pueblo.

Gobierno no a splica na ningun instancia te awe cuanto di nan salario cada persona lo mester paga en adicion di tur e impuestonan bieu.

Segun Dr. Berlinski, mas importante ta cuanto esaki lo bira despues di 3 of 4 aña. Tur trahador awor lo mester paga por completo nan aseguro mientras cu esaki tabata parti di nan beneficionan adquiri den pasado como parti di nan salario.

PDA cu gran interes a scucha e programa na radio di e sindicato di SIMAR riba e topico aki. PDA ta adverti cu esaki ta un paso cu mester worde studia di diferente angulo fuera di esun financiero.

Pasobra no solamente mester bay cobra mas cu 75 Miyon Florin pero tambe lo mester limita e servicicion cu e pacien-

tenan mes lo por haya, pues tur hende lo por haya menos pero na un prijs hopi mas haltu.

Un cobranza asina ta un cobranza nobo pues bo por yamele un impuesto pa salud of un premie etc. Berdad ta cu no ta importante ki number bo duna e cobranza aki e ta keda un medida riba lomba di nos pueblo di bo no rebaha oficialmente e impuestonan bieu den e ley cu mester pasa den Parlamento di Aruba.

PDA saliendo semper na vanguardia di nos pueblo ta existi di e representantenan di pueblo den Staten pa:

1. garantiza cu tur e gastonan cu e premie di aseguro nacional lo mester trece cune ta bira responsabilidad di tur dunador di trabao sin excepcion;

2. Ancora den e ley di aseguro nacional pasa den Parlamento cu e nivel di loonbelasting y di inkomstenbelasting ta worde rebaha cu e mesun porcentahe cu awor lo bay cobra di cada persona;

3. Ancianonan y esnan cu lo bin na remarke pa un carchi di dokter lo no mester paga pa ta den e aseguro nacional tambe.

Segun Dr. Berlinski, den e forma aki PDA lo mira aseguro nacional contra malesa como uno husto y cu un trato igual pa un y tur.

Alumnonan cu a slag na Mater Dei L.B.S.

ORANJESTAD(AAN) -- Despues di a sigui cursonan na Mater Dei L.B.S., aki ta sigui e nombernan di esnan cu a slaag.

Den grupo T, Anna C. Farro, Mary E. Geerman, Michanu A. Hart, Gwendolyn L. Heyliger, Natasja Kniesmeijer, Xiomara F.M. Quandus, Beatriz A. Rodriguez y Judith C. Tromp.

E ultimo aki tabata e best geslaagde den e grupo.

Den grupo A; Julisa G. Arends kende a slaag cu mihor punto, Lisette Erasmus, Pamela P. Gumbs, Jessica Holman, Elvira Kelly, Maureen J. Tromp, y Esteve Jr. Maduro.

Den grupo P, Tecla R. Haseth, Jesusita C. Kelly, Lidwina M. Kelly, Milushka Lopez, Mayra Rosario, Marisol Suarez kende a slaag cu mihor punto, y Rudolf E. Webb.

87

STORE

Bo tienda pa tur regalos, articulos pa cas, cushina, juguetes, recuerdo etc.
FELIZ DIA DI TATA

87 87 87 87 87 87 87 87 87 87 87 87 87 87 87 87

SPECIAL PA DIA DI TATA

- Domino Sets
- Flash lights
- Spc Tool Set
- Groomer set
- Shoe Polisher di bateria
- BBQ- set chikito economico y handy
- Headphone Radio AM/FM
- Shaving Set
- Thermos.....y hopi mas



87 87 87 87 87 87 87 87 87 87 87 87 87 87 87 87



Pasa un rato waak pa bo mes scohe e regalo unico pa bo PAPI

stima
87 STORE

Fergusonstraat - Tel. 37041



DIA 17 DI JUNI

Duna PAPI su regalo prome cu wega di futbol cuminza - dunele un Bon regalo, Un regalo Bon Meresi, cumpra na

BON BINI BAZAAR

Cu su descuento especial riba diabierna y diasabra, pa muestra cariño y aprecio pa
NOS PAPI



NOS TA DRECHA TELEVISION y RADIO di TUR MARCA.
PA UN BON SERVICIO YAMA

LECO

John G. Emanstraat 33
Tel: 34649

"LUIS ELECTRICAL COMPANY"



DIVI RESORT
Is now seeking

ADMINISTRATION ASSISTANT

For the Dutch Village Resort.
must have MAVO diploma.
Administration and Accounting knowledge an asset.
Computer knowledge preferred.
English is a must.
Good salary with free lunch daily.
Potential for management growth within company.
Interviewing now - Please call 24150
Ext 756, ask for Mina
Or Pass by Tamarijn Hotel Personnel Department